

**ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ**

**ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ ՁԵՌՆԵՐԵՑՈՒԹՅԱՆ ՎԱՐՉՈՒԹՅԱՆ  
ՔԱՂԱՔԱԿԱՆՈՒԹՅԱՆ ԵՎ ԾՐԱԳՐԵՐԻ ԲԱԺԻ  
ԱՎԱԳ ՄԱՍՆԱԳԵՏԻ ՊԱՇՏՈՆԻ ԱՆՁՆԱԳՐԻ**

**1. Ընդհանուր դրույթներ**

**1.1. Պաշտոնի անվանումը, ծածկագիրը**

Էկոնոմիկայի նախարարության (այսուհետ՝ Նախարարություն) Ձեռներեցության վարչության (այսուհետ՝ Վարչություն) քաղաքականության և ծրագրերի բաժնի (այսուհետ՝ Բաժին) ավագ մասնագետ (ծածկագիր՝ 23-32.19-Մ4.1)

**1.2. Ենթակա և հաշվետու է**

Բաժնի ավագ մասնագետն անմիջական ենթակա և հաշվետու է Բաժնի պետին:

**1.3. Փոխարինող պաշտոնի կամ պաշտոնների անվանումները**

Բաժնի ավագ մասնագետի բացակայության դեպքում նրան փոխարինում է Բաժնի գլխավոր մասնագետներից մեկը:

**1.4. Աշխատավայրը**

Հայաստան, ք. Երևան, Կենտրոն վարչական շրջան, Միեր Մկրտչյան 5

**2. Պաշտոնի բնութագիրը**

**2.1. Աշխատանքի բնույթը, իրավունքները, պարտականությունները**

1) մասնակցում է Հայաստանի Հանրապետությունում ձեռներեցության՝ այդ թվում նաև փոքր և միջին ձեռնարկատիրության (այսուհետ՝ ՓՄՁ) զարգացման պետական քաղաքականության մշակման և տնտեսության գերակայությունների համապատասխանեցման աշխատանքներին,

2) մասնակցում է ՓՄՁ-երի աճի ներառականությունն ապահովելուն ուղղված աջակցության գործիքակազմի մշակման և ձեռներեցության աջակցության՝ պետական աջակցության ծրագրերի մշակման, իրականացման և մշտադիտարկման աշխատանքներին,



- 3) մասնակցում է կանանց և երիտասարդների գործարար ներուժի զարգացմանն ու խթանմանը միտված թիրախային աջակցության ծրագրերի մշակման և ներդրման աշխատանքներին.
- 4) մասնակցում է սկսնակ ձեռներեցների աջակցության գործիքակազմի ընդլայմանն ուղղությամբ շարունակական աշխատանքներին.
- 5) մասնակցում է ճգնաժամանային և հետճգնաժամային իրավիճակներում ձեռներեցության դիմակայունության բարձրացմանն ուղղված աջակցության գործուն մեխանիզմների մշակման և մշտադիտարկման աշխատանքներին,
- 6) մասնակցում է տեղական ընկերությունների ճանաչելիության բարձրացման և արտաքին շուկաներում շահավետ դիրքավորման, ինչպես նաև պետություն-մասնավոր գործընկերության ծրագրերի մշակման և իրականացման աշխատանքներին.
- 7) մասնակցում է տեղական ընկերությունների բիզնես կառավարման, բրենդինգի, հանրային կապերի և միջազգայնացման, ֆինանսական պլանավորման, կորպորատիվ կառավարման սկզբունքների նորմուծման, առավել բարձր հավելյալ արժեքի ստեղծման և այլ գործընթացներում ձեռներեցության սուբյեկտների կարողությունների զարգացմանը ուղղված առաջարկների ձևավորման և ներկայացման աշխատանքներին:

### **Իրավունքները**

- օգտվել համապատասխան մարմիններից ստացված անհրաժեշտ հիմնավորումներից և փաստաթղթերից Հայաստանի Հանրապետությունում Ձեռներեցության՝ այդ թվում նաև ՓՄՁ պետական քաղաքականության մշակման համար,
- օգտվել շահագրգիռ մարմիններից ստացված մասնագիտական կարծիքներից և առաջարկություններից ծրագրերի, ռազմավարությունների, ինչպես նաև դրանց վերաբերյալ մեթոդական ուղեցույցերի մշակման աշխատանքների վերաբերյալ,
- պահանջել համապատասխան մարմիններից անհրաժեշտ տեղեկատվություն ձեռներեցության զարգացմանը խոչընդոտող խնդիրների վերացմանն ուղղությամբ,
- պահանջել համապատասխան մարմիններից անհրաժեշտ տեղեկատվություն ձեռներեցության զարգացման համար միջավայրի բարելավման տեսանկյունից՝ հարկային և մաքսային ոլորտներում խնդիրների վերհանման և քաղաքականության մշակման համար.
- միջազգային վարկային ծրագրերի մշակման նպատակով ստանալ համապատասխան մարմիններից անհրաժեշտ տեղեկատվություն.
- ստանալ համապատասխան մարմիններից ամբողջական տեղեկատվություն և նյութեր հակակոռուպցիոն ծրագրերից բխող աշխատանքներն իրականացնելու համար,
- մասնակցել պետական և միջազգային կառույցների հետ համագործակցությանն ուղղված նախարարության տարբեր ստորաբաժանումների ներկայացուցիչների կողմից առաջադրված խնդիրների լուծման շուրջ մասնագիտական քննարկումներին:



## Պարտականությունները՝

- հավաքագրել և վերլուծել ձեռներեցության զարգացման պետական աջակցության ծրագրերի վերաբերյալ տեղեկատվությունը,
- կազմել ձեռներեցության զարգացման պետական աջակցության ծրագրերի հաշվետվություններ՝ դրանց մշտական մոնիթորինգի արդյունքների հիման վրա,
- մշտադիտարկել օտարերկրյա և միջազգային, ինչպես նաև մասնավոր կազմակերպությունների կողմից իրականացվող ձեռներեցության աջակցման ծրագրերի և միջոցառումների վերաբերյալ տեղեկատվական բազայի (ռեեստրի) աշխատանքների ընթացքը և արդյունքների վերաբերյալ կազմել և ներկայացնել տեղեկատվություն.
- ուսումնասիրել ձեռներեցության աջակցության վարկային, լիզինգային և փոխհատուցման պետական աջակցության ծրագրերը, ամփոփել արդյունքները, մշտադիտարկել դրանց իրագործման ընթացքը,
- ուսումնասիրել և տեղեկատվություն տրամադրել կանանց և երիտասարդների ստեղծարար ու գործարար ներուժի զարգացմանն ու խթանմանը միտված միջազգային թիրախային աջակցության գործիքակազմի և ձևաչափի վերաբերյալ,
- հավաքագրել տեղեկատվություն և առաջարկություններ ձեռներեցության ոլորտում նորարարական գաղափարների, տեխնոլոգիաների ներդրման և գեներացման խրախուսման վերաբերյալ, ամփոփել և կազմել տեղեկանքներ.
- հավաքագրել տեղեկատվություն մարզերում սկսնակ նորարար ձեռներեցների համար ֆինանսների, ձեռնարկատիրական հմտությունների և կապերի, ինչպես նաև գիտելիքի հասանելիության բարձրացման նպատակով իրականացվող պետական աջակցության ծրագրերի մասնակիցների վերաբերյալ և ստեղծել տվյալների բազա՝ սկսնակ ձեռներեցների աջակցության գործիքակազմի շարունակականությունն ապահովելու նպատակով.
- ուսումնասիրել ճգնաժամանային և հետճգնաժամային իրավիճակներում ձեռներեցության դիմակայունության բարձրացմանն ուղղված միջազգային փորձը՝ կազմել համապատասխան տեղեկատվություն և առաջարկություններ.
- ներկայացնել առաջարկություններ թիրախային խմբերի, այդ թվում պատերազմի հետևանքով հաշմանդամ դարձած քաղաքացիների համար կայուն եկամուտ ունենալու նպատակով ձեռներեցությամբ զբաղվելու հնարավորությունների ընդլայնման ուղղությամբ,
- հավաքագրել և ամփոփել շահագրգիռ գերատեսչություններից և ասոցիացիաներից ստացված համապատասխան տեղեկատվությունը և առաջարկությունները տեղական ընկերությունների ճանաչելիության բարձրացման և արտաքին շուկաներում շահավետ դիրքավորման վերաբերյալ և կազմել համապատասխան տեղեկանքներ.
- ուսումնասիրել և վերլուծել միջազգային փորձը՝ ՓՄՁ-երի շրջանում արտահանման կարողությունների խթանման վերաբերյալ.



- հավաքագրել ոլորտային ասոցիացիաների կողմից Հայաստանի ՓՄՁ-երի ճանաչելիության բարձրացման և արտաքին շուկաներում շահավետ դիրքավորման վերաբերյալ ներկայացված առաջարկությունները, ամփոփել և կազմել տեղեկանքներ,
- հավաքագրել ոլորտային ասոցիացիաների և շահագրգիռ գերատեսչությունների կողմից ձեռնարկատիրական հմտությունների զարգացմանն ուղղված առկա ծրագրերի բարելավման վերաբերյալ առաջարկությունները, ամփոփել և կազմել տեղեկանքներ,
- պարբերաբար թարմացնել ձեռնարկատիրության ոլորտում որակյալ կադրերի պատրաստմանն ու վերապատրաստմանն ուղղված ծրագրերի տվյալների բազան և մշտադիտարկել արդյունքները.
- հավաքագրել վերազգային ընկերությունների՝ Հայաստան ներգրացման, ոլորտի զարգացմանն ուղղված ծրագրերի իրականացման, հայկական ընկերությունների գլոբալացման խթանման, ոլորտի նորաստեղծ ընկերությունների զարգացման ծրագրերի վերաբերյալ ներկայացված առաջարկությունները, ամփոփել և կազմել տեղեկանքներ.
- ամփոփել տեղական ընկերությունների բիզնես կառավարման, բրենդինգի, հանրային կապերի և միջազգայնացման վերաբերյալ՝ շահագրգիռ գերատեսչություններից և ասոցիացիաներից ստացված տեղեկատվությունը և առաջարկությունները, ձեռներեցների համար կազմել ուղեցույցներ,
- մշակել ֆինանսական պլանավորման, կորպորատիվ կառավարման սկզբունքների ներմուծման, առավել բարձր հավելյալ արժեքի ստեղծման և այլ գործընթացներում ձեռներեցության սուբյեկտների կարողությունների զարգացմանը ուղղված և շահագրգիռ գերատեսչություններից ստացված առաջարկություններն ընդգրկող տեղեկանքներ:

### 3. Պաշտոնին ներկայացվող պահանջները

#### 3.1. Կրթություն, որակավորման աստիճանը

բարձրագույն կրթություն

#### 3.2. Մասնագիտական գիտելիքները

Ունի գործառույթների իրականացման համար անհրաժեշտ գիտելիքներ

#### 3.3. Աշխատանքային ստաժը, աշխատանքի բնագավառում փորձը

Հանրային ծառայության առնվազն մեկ տարվա ստաժ կամ մեկ տարվա մասնագիտական աշխատանքային ստաժ կամ տնտեսագիտության բնագավառում՝ մեկ տարվա աշխատանքային ստաժ:

#### 3.4. Անհրաժեշտ կոմպետենցիաներ

Ընդհանրական կոմպետենցիաներ՝

1. Խնդրի լուծում
2. Հաշվետվությունների մշակում
3. Տեղեկատվության հավաքագրում, վերլուծություն
4. Բարեվարքություն



## **Ընտրանքային կոմպետենցիաներ՝**

1. Ժամանակի կառավարում
2. Փոփոխությունների կառավարում
3. Փաստաթղթերի նախապատրաստում

## **4. Կազմակերպական շրջանակը**

### **4.1. Աշխատանքի կազմակերպման և ղեկավարման պատասխանատվությունը**

Պատասխանատու է կառուցվածքային ստորաբաժանման աշխատանքների վերջնարդյունքի ապահովման մասնակցության և մասնագիտական օժանդակության համար:

### **4.2. Որոշումներ կայացնելու լիազորությունները**

Կայացնում է որոշումներ կառուցվածքային ստորաբաժանման աշխատանքների վերջնարդյունքի ապահովման մասնակցության և մասնագիտական օժանդակության շրջանակներում:

### **4.3. Գործունեության ազդեցությունը**

Ունի ազդեցություն մասնագիտական աշխատանքների ապահովման և որոշակի մասնագիտական գործառույթների իրականացման շրջանակներում:

### **4.4. Շփումները և ներկայացուցչությունը**

Իր իրավասության շրջանակներում շփվում և որպես ներկայացուցիչ հանդես է գալիս տվյալ մարմնի կառուցվածքային այլ ստորաբաժանումների, ինչպես նաև համապատասխան մարմնից դուրս մասնագիտական հարցերով շփվում է այլ մարմինների և ներկայացուցիչների հետ:

### **4.5. Խնդիրների բարդությունը և դրանց լուծումը**

Իր լիազորությունների շրջանակներում բացահայտում է մասնագիտական խնդիրներ և այդ խնդիրների լուծման մասով տալիս է մասնագիտական առաջարկություն և մասնակցում է կառուցվածքային ստորաբաժանման առջև դրված խնդիրների լուծմանը: